



REPUBLIKA E KOSOVËS / REPUBLIKA KOSOVA

GJYKATA THEMELORE PEJË - DEGA E GJYKATËS DEÇAN

Numri i lëndës: 2023:040983  
Datë: 29.01.2024  
Numri i dokumentit: 05249886

P.nr.152/23

**NË EMËR TË POPULLIT**

GJYKATA THEMELORE NË PEJË/DEGA NË DEÇAN - DEPARTAMENTI I PËRGJITHSHËM, me gjyqtarin e vetëm gjyques Armend Lokaj, me sekretaren juridike Sabiha Hoxha, në çështjen penale, kundër të pandehurit H.H, për shkak të veprës penale Kanosja nga neni 181 par. 3 të KPRK-së, duke vepruar sipas Aktakuzës së Prokurorisë Themelore në Pejë, Departamenti i Përgjithshëm, PP/II.nr.162/23, të datës 26.03.2023, pas shqyrtimit fillestar, në të cilën kanë qenë të pranishëm Prokurori i Shtetit Arlinda Nallbani - Gacaferri, të dëmtuarit Z.B. dhe B.J., i pandehuri H.H dhe mbrojtësi i të pandehurit sipas autorizimit, av. Haxhi Sinanaj, me datë **26.01.2024**, mori dhe publikisht shpalli, ndërsa me datë **29.01.2024**, përpiloj këtë:

**A K T G J Y K I M**

**H. H.**, nga i ati M..., e ëma A...., e gjinisë K...., i lindur më ....., me vendbanim në Rr.”R... e D....”, nr. . - . në D...., ka të kryer shkollën e mesme, i martuar, baba i dy fëmijëve, punon si fasader, i gjendjes së dobët ekonomike, me numër personal 1009502501, me numër të tel. ....., shqiptar, shtetas i Republikës së Kosovës.

**ËSHTË FAJTOR**

**SEPSE:**

Me datë 16.01.2023, rreth orës 13:25 minuta, në Rr. “L.... H....” në D....., me dashje seriozisht i kanoset personave zyrtar lidhur me punën e tyre, se do t’iu shkaktoj ndonjë të keqe me qëllim të frikësimit ose të shkaktimit të ankthit dhe atë të dëmtuarve – B.... J..... dhe Y..... B....., në atë mënyrë pasi të dëmtuarit në fjalë i shqiptojnë një gjobë kundërvajtëse, i pandehuri del nga vetura dhe ju drejtohet me fjalët kanosëse “*Veç se jeni në uniform se pa ju vra e me ju zhduk krejt nuk e lo, a doni me dal najher pa uniform në qytet, a e hekni këtë uniform najher prej trupit atëherë shihem na edhe e shihni kush jam unë, kom me ju zhduk krejt ty edhe këtë që është duke ma shkruar tiketën, mos gaboni mo mem ndalu as me dal para kerrit se nuk ju nalna kurr mo e ju shkeli krejt ju boj copa*”, ku më pas i njëjti arrestohet;

- **Me këtë ka kryer veprën penale Kanosje nga nenı 181 par. 3 të KPRK-së.**

Andaj, gjykata, në bazë të nenit të lartcekur dhe neneve 4; 7; 38; 39; 46; 47; 48; 49 dhe 69 të KPRK-së dhe neneve 364, 449 dhe 460 të KPPK-së, të pandehurin:

**E GJ Y K O N**

Të pandehurit: **H. H.**, i shqipton dënim me burg në kohëzgjatje prej 6 (gjashtë) muajve, i cili dënim nuk do të ekzekutohet nëse në periudhën verifikuese prej 1 (një) viti, nuk kryen vepër tjetër penale.

Obligohet i pandehuri që në emër të pashallit gjyqësor paguaj shumën prej 30 (tridhjetë) €, si dhe në emër të kompensimit të fondit për viktima, shumën prej 30 (tridhjetë) euro, të gjitha këto në afat prej 15 ditësh nga dita e plotfuqishmërisë së këtij aktgjykimi.

Të dëmtuarit: **Y.... B.....**, me vendbanim në fshatin R...., Rr."L.... i P....", Komuna P.... dhe **B.... J....**, me vendbanim në Rr."E... E...." në P...., kanë hequr dorë nga realizimi i kërkësës pasurore juridike.

**A r s y e t i m**

Prokuroria Themelore në Pejë/Departamenti i Përgjithshëm, me aktakuzën PP/II.nr.162/23, të datës 26.03.2023, e ka akuzuar të pandehurin H.H., për shkak të veprës penale Kanosja nga nenı 181 par. 3 të KPRK-së.

Gjykata ka caktuar dhe ka mbajtur shqyrtimin fillestar me dt.24.01.2024, ku në seancë kanë qenë të pranishëm prokurori i shtetit Arlinda Nallbani - Gacaferri, të dëmtuarit Y.... B.... dhe B.... J...., i pandehuri H. H. dhe mbrojtësi i të pandehurit sipas autorizimit, av. H.. S.....

Në shqyrtimin fillestar të mbajtur me dt.24.01.2024, Prokurori i shtetit lexoi aktakuzën PP/II.nr.162/23, të datës 26.03.2023, dhe menjëherë të pandehurit i'u dha mundësia për ta pranuar fajësinë apo të deklarohet i pafajshëm.

I pandehuri, në shqyrtimin fillestar, deklaroi se e ka kuptuar aktakuzën në tërsi, me vullnet të plotë dhe i vetëdijshëm për pasojat e pranimit të fajësisë e ka pranuar në tërsi fajësinë për veprën penale për të cilën i vihet në barrë sipas aktakuzës së prokurorit të shtetit duke deklaruar se ju kërkoj falje publike të dëmtuarve të cilët ndodhen sot në këtë gjykatore dhe po ashtu i'u kërkoj falje të gjithë policisë së Kosovës.

Prokurori i shtetit, lidhur me pranimin e fajësisë nga i pandehuri deklaroi se: pajtohem me pranimin e fajësisë sepse i njëjtë është bërë në mënyrë të plotë dhe konform dispozitave ligjore dhe kërkoj nga gjykata që të pranohet pranimi i fajësisë dhe me rastin e marrjes së vendimit mbi dënim pranimin e fajësisë ta merr si rrethanë lehtësuese.

I dëmtuari Y.... B..... lidhur me pranimin e fajësisë nga i pandehuri ka dekluar se, pajtohem me pranimin e fajësisë nga i pandehuri dhe nuk parashtroj kërkesë pasurore juridike.

I dëmtuari B.... J..... lidhur me pranimin e fajësisë nga i pandehuri ka dekluar se, pajtohem me pranimin e fajësisë nga i pandehuri dhe nuk parashtroj kërkesë pasurore juridike.

Mbrojtësi i të pandehurit Haxhi Sinanaj, lidhur me pranimin e fajësisë nga i pandehuri ka dekluar se, i pandehuri pranimin e fajësisë e ka bërë në mënyrë të vullnetshme, pa asnje lloj ndikimi dhe një pranim i tillë është bërë pas konsultimeve të mjaftueshme me mua si mbrojtës, të cilit ia kam sqaruar të gjitha pasojat dhe benifitet e pranimit të fajësisë. I propozoj gjykatës që ta bëj aprovimin e pranimit të fajësisë dhe me rastin e marrjes së vendimit mbi dënim si rrethana lehtësuese të merr pranimin e fajësisë, shprehjen e keqardhjes të pjesëtarëve të policisë, i pandehuri më parë nuk ka qenë i dënuar, është mbajtës i familjes dhe është baba i dy fëmijëve.

Nga pranimi i fajësisë në mënyrë të plotë dhe të vullnetshme nga i akuzuari gjykata në bazë të nenit 242 par. 6 të KPPK-së, në seancën e shqyrtimit fillestar, me aktvendim pranoi pranimin e fajësisë nga i pandehuri pasi që është bindur plotësisht se i pandehuri ishte i vetëdijshëm për pasojat e pranimit të fajësisë dhe se i pandehuri e ka pranuar fajësinë pa presion dhe me vullnetin e tij të plotë.

Nga thëni e vet të pandehurit në shqyrtimin fillestar është vërtetuar se ai me datë, kohë dhe vend si në dispozitivin e akuzës së ngritur ndaj tij, ka kryer veprën penale për të cilën akuzohet.

Nga faktet e vërtetuara nga shkresat e lëndës, nga deklarimet e palëve në procedurë dhe nga vet pranimi i fajësisë nga i pandehuri, gjykata gjeti se në veprimet e të pandehurit, ekzistojnë të gjitha elementet e veprës penale si në hyrje të këtij aktgjykimi, si dhe vërtetoi gjendjen faktike të përshkruar si në dispozitiv të këtij aktgjykimi, prandaj gjykata edhe e shpalli fajtor të njëjtin pasi që më parë gjeti se penalisht është përgjegjës.

Me rastin e përcaktimit të dënit, gjykata i vlerësoi të gjitha rrethanat lehtësuese dhe rënduese, të cilat konform nenit 70 të KPRK-së, ndikojnë në llojin dhe lartësinë e dënit e të cilat janë me ndikim me rastin e dënit, ashtu që ndaj të pandehurit gjykata mori në konsideratë rrethanat lehtësuese se: i pandehuri e ka pranuar fajësinë, i pa dënuar më parë, keqardhja e shprehur në gjykatë për veprimet e të pandehurit dhe kërkim falja, ndërsa rrethanë rënduese nuk gjeti, dhe duke u nisur nga të gjitha këto gjykata të pandehurit i shqipton dënim me kusht.

Në rastin konkret gjykata vlerësoi se dënim i shqiptuar si në dispozitivin e këtij aktgjykimi është në proporcion me peshën e veprës penale, me sjelljen dhe rrethanat e kryesit sipas nenit 69 par. 3, me shkallën e rrezikshmërisë shoqërore dhe përgjegjësinë e kryesit, me bindje se dënim i tillë do të ndikoj në risocializimin dhe riedukimin e kryesit, si dhe do të ndikoj tek të tjerët të mos kryejnë vepra penale, ngritjen e moralit dhe forcimin e detyrimit për respektimin e ligjit, çka është edhe qëllimi i dënit sipas nenit 38 të KPRK-së.

Vendimi për kompensimin e shpenzimeve të paushallit gjyqësor, është marr në bazë të nenit 449 par.2 pika 2.1 dhe 2.6 të KPPK-së.

Vendimi lidhur me taksën për programin e kompensimit të viktimateve, është marr konform nenit 39 par. 3, pika 31.1 të Ligjit për Kompensimin e Viktimateve të Krimit – 05/L036.

Vendimi lidhur me kërkesën pasurore juridike është marr duke u bazuar në nenin 460 par. 1 të KPPK – së.

Mbi bazën e të dhënavë si më lart, në bazë të neneve 242 dhe 364 të KPPK-së, u vendos si në dispozitivin e këtij aktgjykimi.

**GJYKATA THEMELORE NË PEJË/ DEGA NË DEÇAN - DEPARTAMENTI I  
PËRGJITHSHËM  
P.nr.152/23, dt.29.01.2024.**

**Sekretare juridike**  
**Sabiha Hoxha**

**Gjyqtari i vetëm gjykues**  
**Armend Lokaj**

**UDHËZIMI JURIDIK:** Kundër këtij aktgjykimi ankesë mund të paraqesin personat e autorizuar brenda tridhet (30) ditësh, nga dita e dorëzimit të kopjes së aktgjykimit. Ankesa bëhet përmes kësaj Gjykate, për Gjykatën e Apelit në Prishtinë.